

1311 17/2

Avignon

Livonia (prov. of Saxonia)

*Pope Clement V urges Archbishop Friedrich of Riga to establish convents of Friars Minor and Friars Preachers in every city of his church province in order to convert the infidels to the true faith and to further the rooting of Christianity.*

Source: Transcript (in *Regesta Vaticana*). Vatican Archives, Rome.

Clemens episcopus *etcetera*, venerabili fratri Frederico, archiepiscopo Rigensi, *salutem et apostolicam benedictionem*. Cum, sicut in nostra proposuisti presentia constitutus, conversatio fratrum minorum et predicatorum ordinum in tua provincia sit admodum saluti fidelium utilis et etiam opportune, ut eorum salutaribus monitis et iidem fideles magis proficiant ad salutem, et infideles celerius ad veritatem fidei convertantur: nos, tuam in hac parte sollicitudinem in Domino commendantes, quod tu et successores tui, archiepiscopi Rigenses, qui pro tempore fuerint, possitis auctoritate nostra dare licentiam fratribus utriusque dictorum ordinum, unum duntaxat locum recipiendi in singulis civitatibus provincie, felicitis recordationis Bonifacii pape ·viii·, predecessoris nostri, et quacumque alia constitutione in contrarium edita, non obstante, plenam tibi et successoribus ipsis concedimus tenore presentium facultatem. Datum Avinione, ·xiii· kalendas martii, pontificatus nostri anno sexto.

Published: *Liv-, Est- und Kurländisches Urkundenbuch* 1. ser. vol. VI no. 2769.

[ExDOP mainpage](#)

[Centre for Dominican Studies of Dacia](#)